

Na osnovu člana 3. i 14. Poslovnika o radu Koordinacionog odbora centralnih jedinica za harmonizaciju, Koordinacioni odbor centralnih jedinica za harmonizaciju na 9. redovnoj sjednici, održanoj 06.12.2017. godine u Banja Luci, donio je

O D L U K U

o primjeni Međunarodnih standarda za profesionalnu praksu interne revizije izdatih od Međunarodnog instituta internih revizora

1. Interna revizija u javnom sektoru institucija Bosne i Hercegovine, Federacije Bosne i Hercegovine i Republike Srpske vrši se u skladu sa Međunarodnim standardima za profesionalnu praksu interne revizije (u daljem tekstu: Standardi), utvrđenim od strane Međunarodnog instituta internih revizora, a u skladu sa članom 5. stav 2. tačka b) Zakona o internoj reviziji institucija Bosne i Hercegovine („Službeni glasnik BiH“, broj: 27/08 i 32/12), članom 5. stav 2. tačka 2) Zakona o internoj reviziji u javnom sektoru u Federaciji Bosne i Hercegovine („Službene novine Federacije BiH“, broj: 47/08 i 101/16) i članom 29. stav 1. Zakona o sistemu internih finansijskih kontrola u javnom sektoru Republike Srpske („Službeni glasnik Republike Srpske“, broj: 91/16).
2. Revidirani Međunarodni standardi za profesionalnu praksu interne revizije izdati od Međunarodnog instituta internih revizora koji su u zvaničnoj upotrebi od 01.01.2017. godine, primjenjuju se u obavljanju poslova interne revizije u javnom sektoru institucija Bosne i Hercegovine, Federacije Bosne i Hercegovine i Republike Srpske.
3. Centralne jedinice za harmonizaciju institucija Bosne i Hercegovine, Federacije Bosne i Hercegovine i Republike Srpske će svaka pojedinačno, u skladu sa svojim nadležnostima i ovlaštenjima, a u saradnji sa Institutom internih revizora u Bosni i Hercegovini obezbjediti Standarde zaposlenim na poslovima interne revizije u javnom sektoru.
4. Ova Odluka se primjenjuje od 01.01.2018. godine.

Broj: KO-12/2017

Banja Luka, 06.12.2017. godine

PREDSJEDAVAJUĆI KO CJH

Dragoljub Nakić

